



## Menntaskólinn við Sund

G N O D A R V O G I 4 3, 1 0 4 – R E Y K J A V Í K, S Í M I: 5 8 0 - 7 3 0 0,  
B R É F S Í M I: 5 8 0 - 7 3 0 1. H E I M A S Í D A: H T T P : / / W W W . M S U N D . I S

Fréttaskot úr skólalífinu,  
október 2002. Umsjón og  
ábyrgð: Már Vilhjálmsson

# STUBBUR

ÁRGANGUR 2, TBL. 2

### Smælki

#### Fundir skólanefndar

Skólanefnd MS fjallaði á fundi sínum þann 22. október sl. m.a. um fjármál skólans, stöðu og horfur á næsta ári. Nú þegar tveir mánuðir eru eftir af reikningsárinu er ljóst að reksturinn er í járnnum. Ekki er búist við að lokaniðurstaða liggja fyrir fyrr en í febrúar næstkomandi. Horfur fyrir árið 2003 eru ekki góðar. Breytingar á reiknilíkani koma skólanum sérstaklega illa. Að óbreyttu stefnir árið 2003 í ríflega 15 milljón króna halla á rekstri skólans að mati rektors. Skólanefnd MS fundar á ný um fjármál skólans á fundi þann 4. nóvember nk.

#### Fundir um fjármál

Rektor hefur undanfarið fundað með embættismönnum í menntamálaráðuneytinu vegna fjármála skólans. Einnig hefur rektor verið boðaður á fund um þessi mál með Guðmundi Árnasyni nýjum ráðuneytisstjóra í menntamálaráðuneytinu.

Fleiri fundir um fjármál skólans og annarra framhaldsskóla eru framundan.

#### Kynningar

Skólinn hefur undanfarna miðvikudaga tekið á móti nemendum 10. bekkjar í skólakynningu. Framundan eru frekari kynningar bæði hér í skólanum og í grunn-skólum borgarinnar.

Vefsíða skólans er:  
<http://www.msund.is>

## Af fundi samstarfsnefndar menntamálaráðuneytis og skólameistara sem haldinn var í Reykholti 24. -25. október 2002

Árlegur haustfundur samstarfsnefndar menntamálaráðuneytis og skólameistara var haldinn í Reykholti 24. og 25. október sl. Á fundinn mæta skólameistarar framhaldsskóla af öllu landinu og embættismenn úr menntamálaráðuneyti. Þá er hefð fyrir því að menntamálaráðherra ávarpi fundinn og svari fyrirspurnum. Að þessu sinni var í för með ráðherra nýr ráðuneytisstjóri í menntamálaráðuneytinu, Guðmundur Árnason. Hann gegndi áður starfi skrifstofustjóra í forsætisráðuneytinu.

Á dagskrá fundarinnar á fimmtudeginum voru eftirfarandi mál:

*Endurskoðun aðalnámskrár framhaldsskóla  
Nýtt reiknilíkan-fjárlagafrumvarp 2003  
Gagna grunnur Hagstofu Íslands um skólamál  
Stytting náms til stúdentsprófs*

Á föstudeginum var eftirfarandi á dagskrá:

*Nýtt bókhalds- og starfsmannakerfi fyrir ríkisstofnanir  
Tryggingar nemenda í framhaldsskólum  
Ávarp menntamálaráðherra  
Önnur mál*

### Endurskoðun aðalnámskrár framhaldsskóla

Hörður Lárusson deildarstjóri námskrárdeildar menntamálaráðuneytisins gerði grein fyrir vinnu að endurskoðun aðalnámskrár. Upplýsti hann að vinna að endurskoðun almenna hluta námskrárinnar væri langt komin en enn væri tækifæri til að koma að athugasemdum varðandi þennan hluta námskrárinnar.

### Nýtt reiknilíkan-fjárlagafrumvarp 2003

Framsögu í þessu máli voru með af hálfu menntamálaráðuneytis Gíslis Þór Magnússon, Aðalsteinn Eiríksson og Sigríður Rúna Prastardóttir. Af hálfu skólameistara voru með framsögu þeir Lárus H. Bjarnason rektor Menntaskólans við Hamrahlíð og Þorsteinn Þorsteinsson skólameistari Fjölbrotaskólans í Garðabæ og formaður Skólameistarafélags Íslands.

Fulltrúar ráðuneytisins gerðu grein fyrir þeirri vinnu sem nefnd um endurskoðun reiknilíkans hafði unnið og aðdraganda þess að ráðuneytið tók þá ákvörðun að miða tillögur að fjárlagagerð við "nýtt reiknilíkan". Var þetta gert þrátt fyrir að nefndin hefði ekki lokið störfum né sátt væri um nokkur veigamikil atriði í þessari útgáfu af reiknilíkaninu eins og síðar kom í ljós. Bentu þeir m.a. á að um tvö ár væru síðan að endurskoðun reiknilíkansins hófst. Ekki hafi verið talið stætt á að bíða eitt ár til viðbótar með að ná fram nauðsynlegum breytingum á líkaninu. Sögðu þeir m.a. að sátt hafi verið í nefndinni um flest veigamikil atriði sem væri verið að breyta frá fyrra líkani. Jafnframt upplýstu ráðuneytismenn að þegar ljóst var að ekki fengist nægjanlegt fé til reksturs framhaldsskólans hefði verið tekin ákvörðun um að draga úr áhrifum nýrrar dreifingar þannig að hún kæmi til framkvæmda aðeins að hluta til (75% í stað 100%). Það var athyglisvert að ráðuneytismenn fullyrtu að þetta væri í fyrsta sinn sem þeir hefðu í höndunum teki sem mældi fjárför skólanna. Þá fullyrtu þeir að miðað við frumvarp til fjárlaga 2003 væri ljóst að það vantaði fé til reksturs framhaldsskólanna. Nefndu þeir tölur á bilinu 200 til 600 milljónir á ári. Jafnframt var upplýst að þar fyrir utan væri við útreikninga ekki tekið tillit til nokkurra fastra útgjaldaliða svo sem viðbótarframlags atvinnurekenda í lífeyrissjóð, launaskriðs vegna færslu á milli launaprepa og hækkunar vegna starfsaldurs.

Fulltrúar skólameistara gagnrýndu meðal annars hvernig staðið hefði verið að verki. Var nefnt að ólíðandi væri að nefndarmenn læsu um niðurstöðu nefndarinnar, ef niðurstöðu skyldi kalla, í frumvarpi til fjárlaga 2003. Vinnan hefði verið tekin úr höndum nefndarinnar strax í sumar. Þá gagnrýndu þeir

(Framhald á síðu 2)



## Af fundi samstarfsnefndar menntamálaráðuneytis og skólameistara

(Framhald frá síðu 1)

einnig harðlega einstakar breytingar sem gerðar hafa verið á reiknilíkaninu og settar hafa verið í framkvæmd án þess að sátt væri þar um. Hér var sérstaklega nefnd svonefnd launastika en nú miðast fjárveitingar til skólanna vegna launa ekki lengur við meðallaun í viðkomandi skóla heldur meðaltal á landsvísi. Þar að auki er bætt í þetta meðaltal hluta af þeirri fjárhæð sem hingað til hefur verið merkt kennslutengdum störfum. Nú reiknast kennslutengd störf 16,5% af launasummu í stað 22,5%. Afleiðing þessa er, að mati skólameistara, sú að þeir skólar sem hafa á að skipa reyndum og vel menntuðum kennurum bera skarðan hlut frá borði og þeim er þannig gert nær ókleift að ráða til sín reynda og hæfa kennara.

Rektor MS gerði að umtalsefni þau vinnubrögð sem viðhöfð voru þegar tekin var ákvörðun um að nota nýtt reiknilíkan. Þá gagnrýndi hann einnig ráðuneytið fyrir að hafa ekki sett í gang sértækar aðgerðir til að koma í veg fyrir að einstakir skólar lækki í fjárframlögum milli ára vegna breytinga á reiknilíkaninu. Rakti hann m.a. hvaða áhrif þessar breytingar hefðu á framlög til Menntaskólans við Sund. Hvatti hann til þess að þessu yrði kipt í lag fyrir afgreiðslu fjárlaga eða í síðasta lagi við afgreiðslu fjárlagala.

## Gagnagrunnur Hagstofu Íslands um skólamál

Ásta Urbancic frá Hagstofu Íslands fjallaði um starfsemi Hagstofunnar hvað varðar upplýsingaöflun og upplýsingagjöf. Rakti hún m.a. hvaða gögn beðið væri um frá skólunum og hvenær þyrfti að skila þeim. Þá fjallaði hún einnig um þjónustu Hagstofunnar við innlenda sem erlenda aðila.

## Stytting náms til stúdentsprófs

Hrönn Pétursdóttir verkefnisstjóri í MMR gerði grein fyrir vinnu nefndar ráðuneytisins um styttingu náms til stúdentsprófs. Væntanleg er skýrsla frá nefndinni með miklu af gögnum um íslenska skólakerfið og skólakerfin í nágrannalöndum okkar. Þá verður í skýrslunni velt upp kostum og göllum við hinar ýmsu leiðir. Í máli Hrannar kom fram að ef allt gengi upp og vilji væri fyrir því að breyta framhaldsskólanum væri í fyrsta lagi hægt að innrita nemendur í 3 ára nám til stúdentsprófs haustið 2007.

## Nýtt bókhalds- og starfsmannakerfi fyrir ríkisstofnanir

Stefán Kærstedt gerði grein fyrir nýju bókhalds- og starfsmannakerfi fyrir ríkisstofnanir sem senn er tilbúið. Á það m.a. að leysa af hólmi gamla BÁR - kerfið. Ákveðið hefur verið að prufukeyra kerfið samhliða BÁR - kerfinu í eitt ár í tveimur skólum, Kvinnaskólanum í Reykjavík og Menntaskólanum við Hamrahlíð. Nú þegar er verið að keyra kerfið til reynsu á Ríkisspítölunum. Ingibjörg Guðmundsdóttir skólameistari í Kvinnaskólanum lagði áherslu á að menn flýttu sér hægt og reyndu að læra af þeim mistökum sem gerð hafa verið við innleiðingu á INNU.

## Tryggingar nemenda í framhaldsskólum

Valur Árnason skrifstofustjóri í menntamálaráðuneytinu og Jóhannes Einarsson skólameistari IH fjölluðu um tryggingar nemenda í framhaldsskólum. Valur benti á að búið væri að breyta lögum nr. 117/1993 um almannatryggingar til að bæta réttarstöðu iðnnema. (sjá lög nr. 74/2002). Í umræðum um þetta mál kom fram að ríkið tryggir ekki nemendur né starfsmenn en tekur á sig kostnaðinn ef bótaskylda er sönnuð. Af hálfu skólameistara var bent á að þetta væri löng og torsótt leið fyrir þá sem verða fyrir tjóni og væri æskilegt ef staða tjónþola væri skýrari. Ekki fengust skýr svör við því hvort skólar hefðu heimild til þess að tryggja nemendur og starfsmenn, slíkt yrði að skoða sérstaklega.

## Ávarp menntamálaráðherra

Í ávarpi sínu fjallaði Tómas Ingi Olrich menntamálaráðherra m.a. um nýtt reiknilíkan. Sagði hann það hafa verið óhjákvæmilegt að leggja það til grundvallar fjárlagagerðinni. Sagði hann það hafa verið unnið í samráði við skólameistara. Nauðsynlegt væri að það mældi rétt fjárförf skólanna. Breytingar hefðu einkum verið gerðar til að rétta hlut verknámsskóla og smærri skóla á landsbyggðinni. Reiknilíkanið hafi verið lagt til grundvallar þó svo að vitað væri að meira fé vantaði til framhaldsskólans. Nú væri það hans hlutverk að berjast fyrir því að meira fjármagn fengist. Í ávarpi sínu fjallaði hann einnig um styttingu náms til stúdentsprófs og sagði að hugmyndir þar um væru að mótast í ráðuneytinu. Um samræmd próf í framhaldsskólum sagði hann að ný reglugerð yrði senn tilbúin. Þá fjallaði ráðherra um byggingamál framhaldsskóla. Ekki stæði til að breyta verkaskiptingu milli ríkis og sveitarfélaga en deila þar um hefði háð framkvæmdum á höfuðborgarsvæðinu. Hann hygðist taka byggingamál framhaldsskóla fyrir í heild sinni og forgangsraða þeim. Á höfuðborgarsvæðinu væri unnið að þessum málum í góðri samvinnu við borgarstjóra.

### Viðhald húsnæðis MS

Verkefni sem eru framundan: Nú er verið að athuga hvernig hægt sé að bæta aðstöðu á kennarastofu og vinnuástöðu matráðs í eldhúsinu. Fasteignir ríkissjóðs eru nú að vinna í málinu og munu þeir koma með arkitekt og gera tillögu að frekari breytingu á eldhúsinu ásamt því að bætt verður úr geymslu á kæli- og frystivörum.

Haldið verður áfram að mála kennslustofur ásamt því að skipta út loftlömpum á göngum eftir því sem þörf krefur og hægt er. Stefnt er á að jólafríið verði nýtt að fullu til framkvæmda.

### Átaksverkefni um bættan aga

Sérstakur agahópur hefur verið stofnaður og er það liður í fjögurra ára átaksverkefni til að bæta aga og umgengni í skólanum. Í hópnum sitja Sigurrós Erlingsdóttir kennslustjóri, Hafsteinn Óskarsson forvarnarfulltrúi, Margrét Haraldsdóttir kennari, Haraldur Þór Haraldsson nemandi (3C) og Hildur Georgsdóttir nemandi (3C). Varamaður nemenda er Margrét Edda Yngvadóttir 1G.

### Endurmenntun

Guðrún Sigurðardóttir er endurmenntunarstjóri MS Undir hennar forystu er unnið að endurmenntunarmálum starfsmanna MS. Fyrir utan námskeið og fræðsluerindi á þessari önn er verið að undirbúa D R E I F M E N N T A R námskeið á vorönn og annað námskeið þar sem fjallað verður um myndvinnslu og notkun í PowerPoint. Þá er fyrirhugað að fá fyrirlesara til að koma með reglulegu millibili og taka fyrir málefni sem helst brenna á okkur hverju sinni.

### Menntaskólinn við Sund

sími: 580-7300, bréfasími:  
580-7301  
netfang: ms@msund.is  
vefsíða: <http://www.msund.is>